

Գերաշարքեցեղոյ և վսեմագունի տեսան Մխիթարայ
Աստուածաբանուքեան վարդապետի և Աբբայ Հօրն մեկտում

Յիսուսաւանդ ողջունիւ ծանիր, զի սոյն եկեղեցիս հազիւ եզերի ժև [15000] ֆորինթով, սոքա ունին շու [2000] . ֆորինթ, ու [1000] ֆորինթ թէ ևս աճ[ե]մներն որ տալոյ լինին, կամ հազարհինգհարիւր մեծ բան է, յերկիցն սակաւ օգնութիւն լինի, զի ի գարնան գանձաւոց և աւերելոց են զբնակութիւնս նոցա վասն մերձ գոլոյ ներքնաբերդին, և ի սոցանէ 5 մարդ հազիւ կարէ աղքատօրէն զբնակութիւն ինչ շինել վասն ինքեանց. տան քիւրան ևս խիտ թանկ է, և ոչ ունին զկարողութիւն ինչ օգնելոյ, թէ և ոմանք ի սոցանէ օգնել կարիցեն, կարի սակաւ լինի: Ուստի մտածելով զայս ոմանց յառաջագայից աճ[ե]մներուն, այսինքն պարոն Յովանէ, Կիւլեագին, ճանազիգին և այլոց ոմանց, խորհուրդ արարեալ են ներ ինքեանց, թէ ես ի դիմաց նոցին գրիցեմ առ քեզ, այսինքն զերկուս խնդիրս, որոց մինն է այս, զի դու այդր գրիցես առ սուրբ Ժողովն, զի նոքա գրիցեն առ կայսրն և կամ առ այլ ոք, զի ինքեանք ևս օգնիցեն վասն շինման եկեղեցւոյս մերոյ, շնորհելով զիրս նիւթեղէնս, այսինքն թուվլայ և քիւլէն, զի աստ առատապէս գտանի այսպիսի նիւթք թագաւորական, և այսպիսի խնդիրքս կարծեմ ոչ է դէմ սրբոյ Ժողովոյն, նաև թագաւորին, զի աստ ոմանց վանորէից շնորհեաց զայսպիսի նիւթս. ոմանց ի սոցունց ըստ մասին և ոմանց ըստ բոլորին: Արդ և իմ մտածելով զսոյն թերևս վասն սրբոյ Ժողովոյն մեզ ևս շնորհիցեն, որպէս շնորհեաց այլոց կարգաւորաց: Երկրորդ խնդիր սոցին է այս, որ է կարի խելագառական, նաև ըստ ինքեան է անկարելի, որ է այս, զի սոքա խնդրեն ի քէն, թէ դու այդր վասն սոյնոյ եկեղեցւոյս զոմանս զոմանս դրամս հաւաքիցես այդր եղեալ ի մեծամեծաց. և շուրջ զայսու ոչ է պարտ աստէն երկարել, զի է եզական խնդիր: Կարի նեղութեան մէջ եմ, նաև տկար, վասն շինման սոյնոյ եկեղեցւոյս, զի յառաջակայք գոլով դրամասէրք և գաղջք, նաև անհամաձայնք ցրտապէս շարժին, և մանաւանդ երեցփոխանն որ է բարկացող և կամապաշտ: Մինաս վ. եղև քանոնիկ Թմշվարու, միշնորդութեամբ Թմշվարու ճէնոալին, 600 ֆորենտ ի տարւոյն բաց ի պատարագէն, նաև յայլոց եկամտից եկեղեցականաց, և այժմ ի վէնա երկրորմբք սպասաւորօք շրջի Լէհացիք առաքեալ են ի ստամպօլ զմի դեսպան, խոտտանալով տալ նոցա զգամանիցան, որպէս զի այնու օգնիցէ ինքեանց: Մեծագոյն խոռվութիւն գոյ ի միջի սոցա: Կայսրն առ սոսա դեսպան յղեաց ասելով թէ զո ոք ի ձէնջ կամիցիք թագաւորեցուցանել՝ ինձ հաճոյ է բաց ի յիստանիսլավէն, սոյն գունակ մօսկոֆուն էլչին ասացեալ է, նա և ինկիլիզին և ֆուլչմէնկին և պուռանտէպուրօին, և գարտինալն որ է բերան մեծամեծաց լեհացոց՝ իւրաքանչիւրոյ դեսպանաց պատասխանեալ է ասելով, թէ դուք չունիք իրաւունք առ այս ներախարնել զձեզ, զի դուք ի վերայ թագաւորութեանց ձերոց կարէք իշխել և ոչ ի վերայ մեր, զի զորն հաճիմք և գնոյնն ընտրեմք մեզ թագաւոր: Եւ ներ դեսպանացս այսոցիկ առաւել զայրացեալ է պըռանտէբուրօին դեսպանն և հարկանեալ զսուրն իւր ի վերայ սեղանին, և նա հեզնելով սկսեալ է ուշաթափիլ առաջի դեսպանին և ասէ զի լինի թէ առանց փաստափոթի գնաս. և դեսպանն ասէ[«]ես փաստափոթ ոչ առնում, ինձ ոչ է պիտոյ[«], բայց զկնի սակաւուց պիտոյանայ քեզ և այլն: Սոքա կամէին զընտրումն թագաւորին իւրեանց երկարացուցանել, սակայն զօրքն մոսկոֆու, զօրքն կայսերն, զօրքն սակսոնին և պուռնդէպուրօին, որք այժմ են ի լեհաստան՝ ստիպեն զսոսա շուտով կացուցանել, և եթէ լէհացիք ընդդէմ կամաց սոցին առնիցեն, յայնժամ սոքա տիրելոց են բռամբ ի քաղաքս նոցին: Թէպէտ սոքա նախապէս ունէին գոյն խորհուրդս: Նալըրանին որդին 8 միլիօն դրամ պահանջէ ի լէհացոց, և ասէ թէ հայր իմ տուեալ է ձեզ այսքան դրամ: Յետ երկուց և երից աւուրց յայտնի կու լինի, թէ ով եղեալ իցէ թագաւոր. . . . Պըռանտէպուրօն 4000 մարդով ինքն գնացեալ